

Կոստանդինուպօլիս : Գասըմ Պէկն՝ որ զրկեալ էր յառաջագոյն յիշխանութենէ Երուսաղէմի՝ յաւուրս ծէզար Փաշայի, այժմ կարգեալ քաղաքապետ Երուսաղէմի, յանկարծ եկն և եմուտ 'ի քաղաքն և նստաւ 'ի տեղի իւր՝ և կալեալ զառաջին քաղաքապետն Եահէայ Պէկ եգ 'ի դիպահնջ 'ի բերդն, որպէս հրամայեալ էր նմա կուսակալն : Միւֆթի և Նախիպ քաղաքին յահէ նորա փախուցեալ ամրացան 'ի Սիոն . զի յառաջագոյն թշնամացեալ էին ընդ նմա՝ զիմեցին անդր և կուսակիցք նոցին, և զինեցան ընդդէմ Գասըմի . ճեղքեցաւ քաղաքն յերկուս, գործեցին ասլիրատութիւն մեծ տիւ և զիշեր : Զայն ետ Միւֆթին Ապուղօ Օթմանին ժողովել զիւրան և հասանել յօգնութիւն 'ի Սիոն . գրեաց և Գասըմ առ բնակիչս Յովհաննու Մնրնդեան գալ 'ի թիկունս, և ժողովեցաւ բազմութիւն մեծ 'ի քաղաքին յերկուց կողմանց : Միւֆթին ելեալ 'ի Սիոնէ զիմեաց բազմութեամբ 'ի վերայ բերդին, հանել անտի զզօրս և նոքօք զինիլ ընդդէմ Գասըմայ, այլ ամրականք դարձուցին զգէնս իւրեանց 'ի վերայ նոցա և արարին ըզնոսա փախստական, և նոցա հասեալ 'ի դուռն քաղաքին արեւելեան՝ պատգամ յղեցին անդ 'ի բերդն տալ զբանալի գրան, զի աղխեալ էին դրունք պարսպին և վանօրէից . և իբրև չառին նոքա յանձն՝ խորտակեցին զփականս և բացեալ զդուռն ելին արտաքս, և վերստին յուղեցաւ աղմուկն 'ի քաղաքին, եւ Միւֆթին եկեալ իւրովքն հանդերձ ամրացաւ 'ի Սիոն, և 'ի դաշրանալ բանից յերկուց կողմանց՝ բանս եղին գրել առ Կուսակալն, իսկ Միւֆթին առանձին միջնորդ կալաւ առ Եուսուֆ Փաշա, զՄիւլէյման Փաշա, որ նստէր յԱ.քքէ, բառնալ զԳասըմ յերուսաղէմէ, և հաստատել 'ի տեղի նորա Եահէայ : Կարգեցան զօրականք 'ի դրունս պարսպին և վանօրէից պահել 'ի տիւէ և 'ի գիշերի . պիտոյք քաղաքին և վանօրէից պարանաւ ձգէին 'ի պարսպէն : Եւ 'ի խռովութեանս յայսմիկ քրիստոնեայք պաշարեցան յերկիւղ մեծ . Միւֆթին յարտաքուստ և Գասըմ 'ի ներքուստ պահանջէին 'ի վանականաց ուտեստ և դրամ : իսկ Կուսակալն արար պատասխանի՝ զի զօր կացուցի՝ այն է քաղաքապետ, զի ոչ եմ իբրև զայս, խորհրդով ձերով տնտեսել զզործս իմ . և